

重修通渭縣新志卷之三

地域

建置
附

郡縣之設棊布星列各有疆域其興衰完缺所以不同者人也亦天也通邑山重水複界於伏隴安甯七州縣之間廣袤四百餘里雖非名都亦號完區迨同治初回變蠡起縣三面近賊巢頻年不解西北被害尤慘加以剛匪逆兵接踵攻掠堡砦存者僅十之二蒿目繡壤盡爲灰塵悲夫賴賢司牧招撫開墾設方建置歷十餘年而後復覩太平後之人當亦慨然追昔矣志地域附建

通渭縣新志

卷之三

地域

三十九

置第三

縣城周四里高二丈東西南各建敵樓東南角建奎星閣正南有月城重樓正北建眞武宮磚朶一千五百有奇礮墩十有六壕深一丈五尺門三東曰紫陽南曰重華月城曰來薰內有武廟西曰阜成寫橋三通衢東西二南北一市廛由西北而南餘皆民居文廟在後街之東左學署署左昭忠祠南對節孝祠東數十武舊爲府館館東爲分司今廢東北角爲城隍廟迤南前街有玉皇閣前爲樂樓西數十武南折爲義學東南角爲養濟

院南爲壽名書院又南爲社倉均西向倉前舊有湖應寺今廢西數十武爲文昌閣閣南爲馬王廟西過十字街爲縣署儀門外西有獄神廟東有福德祠祠北爲廳署西南角舊爲射圃亭今廢折北爲忠孝街有文昌樓左爲李家賢門今廢東爲李公祠前有孝子坊西北角爲關帝廟左有白衣閣三聖宮東數武舊爲察院又數武爲報恩寺今俱廢寺東爲山陝會館又東爲大有倉倉東爲奎文閣閣北有龍神祠東爲菩薩樓樓東數武爲城守營又東數武爲新文昌宮

通渭縣新志

卷之三

地域

四十

東鄉出東門里許爲東關外有明知府王瓚墓東有義壟疑卽瓚施也五里至田家砭上有塔北塔道光十一年知縣李國軒建南塔咸豐六年知縣馬象奎建砭北至曹家坡爲曹如淵故里南有二堰今決中湧甘泉味極嘉東南二十里至冉家川有墩塘多秦安地又十里至碧玉鎮有墩塘迤北三十里爲隴陽鎮南有蛟龍寺東爲聖母廟極靈應迤北二十里爲黃家窰有市西二里爲海子川舊志載潭深如海時有異鳥翔其上今無考又東北二十五里爲蔡家鋪有古墓二大如陵掘之

有聲黃家窰之東南二十里爲高山寺院宇宏敞中多花木有古鐵碑同治初社人聞鐘自鳴見紅雲層疊而上下有小寺未幾賊至俱燬又東十五里至楊家川又五里至金城鎮所屬之許家堡有市又東北十里爲路家川口二十里爲麻溝鎮又東五里爲大寨子皆相間而市又北爲乾鍋川多乾泥可治鍋故名今號甘果川許家堡東五里爲雞川古城金人所建元廢之以其地屬秦安又東十五里爲槐樹川下爲王家川多有古墓東爲金城鎮中有白衣寺無量廟大佛寺街西有關帝

通渭縣新志

卷之三

地域

四十一

廟嘉慶時賊至顯應堡賴以安外有寫橋闊七尺長十餘丈嘉慶時北山崩壅水南決橋遂圯東有苟奉祖路碑南有古墓又南迤三十里爲羊崖鎮與秦民交市又東三里有橋梁同治時毀於賊又東二里爲牛家坪有古城僅存北面無考又東二里至新店子有輿梁又東里許至牛家坡有文墩南北各一川東有布政司牛樹梅墓南有牛劉氏節孝碑又東五十里爲鞏家川地膏腴宜稻出瓜果味極佳距縣一百二十里入秦安地堡砦五里圓觜堡十五里襄陽堡二十里周家堡三十

里南家石堡通安隴陽堡三四十里黃家窰艾蒿路家
川口堡三五十里泥盆高山堡二六十里大營鐵櫃斗
底大寨回墩吉慶堡六七十里牛家高廟乾鍋堡三一
百里金帶堡

南鄉出南門東角有泰山廟同治間毀於兵西角有河
隄植柳數百株光緒三年知縣夏金聲因河浸城鳩衆
築十三年知縣陳岳籌款開渠移河南注正南過牛谷
水里許有義壟同治四年軍功王國楨施也西爲鴉兒
溝土色赤便於陶正南爲校場有演武亭今毀又南爲

通渭縣新志

卷之三

地域

四十二

先農壇有碑雍正六年知縣楊逢吉建同治間毀於兵
光緒八年知縣劉黎光重建北爲社稷壇光緒八年知
縣劉黎光建又南爲馬家溝上有文昌宮同治間毀於
兵知縣文星照築大洞臺上建塔又南二十里爲孟家
墩有墩塘迤東五里爲赤石溝又東三里爲仙人岔相
傳孫思邈故里中有人祖廟廟碑光照十餘里土人以
爲卽伏羲生處西爲伏羲山後誤作獅今無考又東三
十里爲大寺峴又東十五里爲大莊鎮有市東爲青泥
溝自孟家墩正南二十里至馬家店有墩塘迤西二十

里爲李家店有市又西一十里爲常家河有文昌宮又西四十里爲毛家店有白塔高七層不詳所始宋宣和壬寅年重建今廢八景中白塔晨煙卽其地也自馬家店正南二十里至古城川卽金甘谷縣有墩塘又南二十里爲藺家店有墩塘又南十里爲安遠鎮有二城卽古渭寨與安遠軍也迤東二十里爲清光鎮乾隆間楊制軍臨其地改名豐盛嶺又東二十里爲西峽坪有市又東五里爲關公塢又東五里爲石溝安遠正南十里爲深溝鎮又十五里爲高橋子入伏羌界距縣一百二

通渭縣新志

卷之三

地域

四十三

十五里

堡砦三里韓家堡七里盤龍龍尾堡二十五里鳳凰青龍白粼堡三三十里柳蔭東坡靈佑堡三五十里祁家堡七十里常家堡九十里西峽堡一百里安遠堡西鄉出西門爲西關三官殿南北皆市廛北柵門外爲北壇南爲八蜡廟廟西有明進士魏藻德墓前爲文昌宮同治間毀於兵北爲義壟乾隆三十年貢生李宗沆施也西關中街有山陝會館西柵門外過西河有景漢文德教碑北數十武有太僕寺卿李南暉墓又北里許

爲後川鋪有明行人李鏊墓正西十里爲中川鋪有墩塘迤南爲溫泉寺八景中溫泉冬漲卽其地也道光時知縣屠旭初建二亭以分男女之浴除百病者今廢又西里許有周察院恩置學田碑崇正十一年知縣王耀時立又西十五里爲硤口鋪之中窰有墩塘迤南十里爲第三鋪有古長城又十里爲拓達鋪有文昌宮又二十里爲古城溝卽古渭州地北爲秦家坪有漢秦嘉墓又十里爲什川鎮有市迤南二十里爲榜羅鎮立義學有孝廉陳善教神道碑迤西五里爲四羅坪迤南十五

通渭縣新志

卷之三

地域

四十四

里爲史家廟又南三十里爲草灘距縣一百五十里入甯遠界自中窰正西十里至坡兒川有墩塘又西十里爲原川峽有彩石碑迤北爲石硤營又北二十里爲稠泥營有謝家寺今毀又正西十里爲馬營鎮東關外有劉廷瑚路碑南舊爲奎文閣今廢前爲義壟地極闊敞中多古碑有圓通寺閭王廟東嶽廟人祖樓城隍行宮今毀惟玉皇閣尙存城周二里半東西南三門東西有郭城東多民居西盡客商文廟在中街之東左爲文昌宮右爲公署城隍廟在其右遊擊署在南街大堂五楹

東西廂房各四楹轅門內有鼓吹樓稿案科房右爲千
總署左哨在西轅門西右哨在左哨西書院舊本義學
官紳等創立知縣夏金聲辦逆產爲膏火脩金之費改
題華川書院與萬壽寺並峙義學在文昌宮中倉廩在
縣署後今廢社倉在縣署土地祠右共五楹西關有山
陝會館關外有龍神祠靜慈寺五龍宮八蜡廟今皆毀
光緒間邑人覓舊址重建五龍宮南爲馬王廟今亦毀
迤北五里爲邵家灘又北爲朱家營灘迤南爲雙井營
又南二十里爲大澇池有墩塘又二十里爲漆麻鎮有

通渭縣新志

卷之三

地域

四十五

墩塘又十里爲閆家灣正西十五里爲華灘川八景中
華川芳草卽其地也迤北爲澗灘正西五里爲牛營距
縣城八十里入安定界

堡砦十里宋家陳家堡二十里廉家萬家石砬堡三
三十里花蘭寺第三鋪劉王家堡三四十里令指山坡
兒川堡二五十里錦屏白楊尤家石席家堡四六十里
靳家高莊韓家坪堡三七十里慶榮忠八華川堡三八
十里高家羅家泰豐紅崖高廟堡五九十里帽頂善吉
神助太平堡四一百里党家朱家四羅坪堡三一一百二

十里林家史家廟桃華山霍家山堡四

北鄉城西北角爲望燎園正北爲厲壇壇後有義壟二壟西有知府南灸曾墓正北十里爲曹家川迤西五里爲漢平川有關帝廟迤東五里爲蔣家川曹家川正北十五里爲馬家大莊又北二十五里爲石遠門關有軍壘迤西十里爲孟家川口又西五里爲鋪路川北有奇峰寺順治間了然僧建咸豐間陳山人羽化於此北爲錦雞硤八景中錦雞循界卽其地也俗傳有石雞先鳴爲懶婦所擊天明視之有血迹遂不復鳴白石遠門關

通渭縣新志

卷之三

地域

四十六

十里爲悠江鋪有白石如月八景中悠江夜月卽其地也硤口有明尚書趙榮墓迤東十五里爲寺子川有海眼東爲石峰堡有塘汛北爲段家峽有明御史段克己墓悠江鋪正北五里爲義岡鎮有市義學在眞武廟前又北里許爲野狼溝又北三十里至梁家灣入會甯界距縣九十里

堡砦十里曹家安家漢平堡三二十里黃龍渭陽李家袁家硤堡四三十里趙家陳袁家堡二四十里楊家川黑峰觜大石溝堡三五十里北城鋪吳趙家花錠寺子

堡四六十里鋪路川孟家川口奇峰石峰悠江錦雞堡
六七十里義岡邵家堡二八十里八井川堡九十里大
營堡

縣城原委詳沿革修葺見名宦地震以前無容再述至
雍正間知縣汪國琮覓舊址捐築土垣乾隆十二年知
縣趙國賢稟詳各憲洮岷道赫公赫奉委親臨查閱請
奏奉

旨發帑金五百有奇增築城垣太守吳紹詩諭士民捐貲六
百貫一時首事者如生員程學曾李翹瞻姚以寬里民

通渭縣新志

卷之三

地域

四十七

盧承烈李芝蘭顯祖等莫不躬親畚鍤鳩工任勞閱數
月而工竣知縣蔡理可題重樓東曰紫氣遙臨西曰瑤
池在望南曰遠接天門規模略定猶慮不足以捍衛乾
隆三十二年知縣金洪從新整飭建南角城重樓東南
奎星閣北真武宮道光二十九年知縣崔景炘補修同
治二年知縣余士毅增修三年知縣繆寶鈞復修城浚
濠作竄橋閱三月工竣四年三月軍功王國楨捐貲修
城南捍臺
慶祝宮地震後無定位臨期以關帝廟代之同治癸巳

復以壽名書院代之

文廟大成殿五楹後爲崇聖祠三楹上建尊經閣三楹東爲文昌宮三楹西爲奎星閣三楹東西廡各五楹前爲戟門三楹左右角門各一門前泮池東名宦祠西鄉賢祠三楹前爲櫺星門三楹東爲更衣所東角門曰義路西角門曰禮門照牆闊七丈乾隆三十一年知縣金洪創建三十六年知縣陳光整續修嘉慶二十五年知縣繆庭槐咸豐九年訓導張文林光緒間知縣夏金聲葉祖沆閔同文先後稟請籌款重修

通渭縣新志

卷之三

地域

四十八

關帝廟舊在城外地震後知縣汪國琮移置城內正殿三楹三聖宮三楹捲棚三楹大門南向靈官樓一間寒山殿三楹伽藍殿聖母殿白衣閣各三楹捲棚三楹三教廟一楹菩薩廟一楹雍正間一了僧梁照亮化修魯班廟三楹老君庵羅真庵各一楹文昌宮初爲金公祠後改近聖書院同治間毀十三年知縣呂鑑煌移建書院於養濟院南光緒三年知縣夏金聲代祭於壽名書院光緒十九年知縣高蔚霞新建後殿三楹

城隍廟地震後草搆於西關乾隆十三年知縣蔡理可
覓舊址移建城東北隅四十九年燬於兵邑人重建門
三楹東西班亭各一所樂樓三楹東瘟火殿三楹西聖
母宮三楹鐘鼓樓各一楹牌坊三楹正殿三楹獻殿三
楹後殿三楹東西廂房各三楹光緒十八年知縣高蔚
霞重修東西書房各三楹東西六曹殿各五楹
社稷壇不詳所始正殿三楹門一楹光緒八年知縣劉
藜光創建

神祇壇不詳所始正殿三楹門一楹同治間毀於兵光

通渭縣新志

卷之三

地域

四十九

緒二年知縣夏金聲重建

厲壇地震後因舊址築壇方三十六弓有圍牆無殿宇
臨期遇雨每在神祇壇代祭故北壇有行宮之名今圍
垣半壞

先農壇正殿三楹門一楹東西廂房各一所雍正六年
知縣楊逢吉創建同治間毀於兵光緒八年知縣劉藜
光重建

八蜡廟舊爲城隍祠乾隆十三年知縣蔡理可創建城
北隅邑人依舊祠增修聖母廟東西各一楹同治四年

毀於兵光緒十二年知縣晉榮重建正殿三楹門一楹
南向

福德祠乾隆十三年知縣蔡理可創建嘉慶十七年被
燬知縣鄒應昇重建正殿三楹獻殿三楹光緒二年知
縣夏金聲重修十六年知縣葉祖沆續建大門三楹

昭忠祠初爲雙忠祠正殿三楹門一楹道光五年知縣
李國軒建二十年知縣李灝重修

節孝祠正庭三楹門一楹道光五年知縣李國軒建光
緒十九年知縣高蔚霞捐廉修葺

通渭縣新志

卷之三

地域

五十

火神廟正殿三楹光緒六年建

龍神祠正殿三楹東西廂房各三楹光緒元年知縣夏
金聲建

眞武宮正殿三楹乾隆十三年知縣金洪建

馬王廟 國初爲預備倉地震盡覆乾隆六年知縣任
達德因故址捐修社倉二十四間至五十五年傾圮武
營改爲馬厰內建正殿三楹捲棚三楹樂樓三楹門樓
東向

玉皇閣崇三層門一楹樂樓三楹嘉慶二十一年知縣

梁直繩創建

李公祠本青峰家廟後爲邢姓所有以其地作牛羊牢
邑紳張鳳瑄魏樹桐石琛等不忍坐視其污具酒食酌
議復其祠光緒十三年邑紳念宗社點血之處所係非
淺捐貲並輸其地光緒十八年知縣高蔚霞捐廉重修
正庭三楹建廂房一所大門一楹並跋其扁見藝文
縣署東西柵門各一東有化字樓大門三楹儀門三楹
東西爲六房吏居院中爲官箴坊東西碑各一知縣續
相文立西爲馬王廟一楹北爲大堂三楹額曰親民堂

通渭縣新志

卷之三

地域

五十一

後爲宅門左右廂房各三楹北爲二堂三楹前爲甬道
捲棚西爲庫房二楹又西爲書房東爲花亭又東爲廚
堂後爲三堂三楹後爲內宅庭三楹東西廂房各三楹
後爲花園宋元祐以來在儒學東明洪武四年主簿徐
復觀創建及歷經知縣董敬劉世綸張二南顧竟成皆
重修自地震迄乾隆十三年城成發帑金五百有奇知
縣蔡理可以官地易民居卜基於此十六年知縣續相
文三十年知縣金洪增修道光元年知縣繆庭槐十四
年知縣靳宣咸豐十一年知縣容恬捐廉光緒七年知

縣劉藜光補修

學署入德門一楹東西齋房各三楹明倫堂三楹後爲宅門上庭三楹東西書房各三楹洪武初主簿徐復觀創建後歷經知縣趙信劉世綸李永昌顧竟成重建乾隆十三年知縣蔡理可因地震覓舊址創建三十年知縣金洪重建道光九年知縣李國軒訓導趙延祿光緒元年知縣夏金聲補修

廳署觀復廳三楹東爲書房廳後爲宅門上庭三楹東西廂房各三楹乾隆十三年知縣蔡理可創建嘉慶二

通渭縣新志

卷之三

地域

五十二

十四年知縣應曙霞光緒八年知縣劉藜光補修

大有倉前爲門東廡十六間今存十二間廡神祠一楹東有碑記嘉慶時斗級一十八名邑紳稟請除積弊以蘇民困知縣鄒應昇裁汰立石定爲四名

社倉地舊爲養濟院光緒十一年知縣劉藜光創建廡五間十九年知縣高蔚霞添修廡神祠三楹門一楹壽名書院同治十三年知縣呂鑑煌建門三楹西向北爲守院所房三間東爲重門門內爲南北齋房各七楹廚房二楹講堂七楹南北書房各三楹上建文昌殿七

楹北爲主講所書房三間廚房三間光緒元年知縣夏金聲建文昌後殿三楹今毀

蒙養義學道光二十四年知縣金坤一建光緒二年知縣夏金聲重建講堂三楹南北書房各四間廚房一間大門一間西向

養濟院舊在草廠西地震盡覆嘉慶二年知縣孫維璣建置二十四間光緒元年知縣夏金聲移建書院之北門西向房十四間